



Arubaanse Courant

ANJA 25

Diabierne 28 December 1963

No. 4826

Aruba a tuma despedida di dirigente Ad Stenzen

Savaneta, 28 December 1963

Diahuebs anochi, segunda Pasco a tuma lugar den Commandeursbaai Club na Savaneta despedida di e maestro di violon, dirigente di koro y orkesta, señor Ad Stenzen kende durante 66anja largo a haci loke e por pa eleva e cultura en general y musica en particular na Aruba. Cu e musicante aki den e anjanan cu e tabata na Aruba a hanja hopi popularidad y amigo, nos por a constata Diahuebs anochi na Commandeursbaai Club na Savaneta, caminda un gran cantidad di amigonan, coleganan y personanan cu durante e anjanan cu a pasa tabatin contacto cu né ariba tereno musical.

Banda di 8'or di e anochi, ya e patio di Commandeursbaai Club tabata yen di diferente personanan, representando diferente organisacionan musical y cultural, kendenan a bin tuma despedida di e persona, kende apesar cu el a worde manda door di Sticusa como maestro di violon, den e ultimo anjanan a hanja popularidad y tabata conoci serca majoria di e pueblo como e dirigente Ad Stenzen. Despues cu señor Stenzen a yega diahuebs anochi na Commandeursbaai Club ya worde escolta pa dos dama pa su stoel ariba promer fila caminda el a sinta entre e director di C.C.A., señor Jan H. Beaujon y señor Lauriano Geerman, miembro di directiva di Vivons en Chantant, e maestro di seremonia di e anochi sr. G.M. v.d. Hilst a yama tur e presentenan bon bini, pa despues presenta e promer orador di e anochi, kende tabata señor J. Snijders, president di e Koro Protestant di San Nicolas. Den su palabranan di aprecio

y elogio pa e trabao cu señor Stenzen a haci na Aruba, orador a pone e acento especialmente ariba e trabao cu señor Stenzen a haci pa e Koro Protestant di San Nicolas esta di "poco santo masha los, traha un klopki duro di terra".

Cu esaki señor Snijders kier a splica cu for di e koro aki (esun di mas hoben na e momento), cual tabata muestra di no tabatin futuro na su fundacion, señor Stenzen a organisá y hacié un koro representabel y cu capacidad. E siguiente orador tabata señor Arts, director di e Koro Protestant di Oranjestad, kende especialmente a elogia e trabao cu señor Stenzen a haci den presentacion di e concierto-nan di e coro di Oranjestad. Como representante di e koro Vivons en Chantant a papia señor C. Thodé, kende segun el a bisa e anochi aki lo no tuma despedida di señor Stenzen, unicamente como dirigente y musicante, pero tambe como hende, como un deportista y un persona cu ta gusta corre auto duro. Señor Thodé a conta na un manera humorístico e hungamento di tennis di señor Stenzen, tambe piscamento y corremiento di auto duro. Un bunita gesto en relacion cu esaki ta cu señor Padu del Caribe lo percura pa señor Ad Stenzen pronto hanja un caricatura cu tur e diferente puntonan akipinta ariba. Esta for di dirigente te piscado. Na number di e miembronan di Vivons en Chantant, srta O. Camacho despues cu palabranan emocionante a tene un discurso di despedida gradiciendo e dirigente especialmente pa e trabao cu el a haci pa e koro Vivons en Chantant. E presidente di Centro Cultural Aruba, señor J. Beaujon na su turno di dirigi palabra, a repasa e diferente trabao cu señor Stenzen a haci den e ultimo seis anjanan na Aruba, como maestro di violon, dirigente di koro y orkesta simfonica preparador di programa di radio pa C.C.A. y especialmente como un gran amante di "ushi Aruba". Como un recuerdo di tur e organisacionan aki cu den e anjanan cu a pasa el a yuda progressa tanto ariba tereno musical y cultural, señor Beaujon a en-

trega un tape-recorder na e dirigente, kende segun señor Beaujon ora cu e ta na Hulanda lo por toca e tapenan cu e diferente musica di concierto-nan cu el a dirigi den e ultimo anjanan. Tabata un sorpresa enorme pa señor Stenzen ora cu na e momento cu señor Beaujon a kita e panja cual tabata tapa e tape-recorder, mesun momento un parti di un di e ultimo concierto-nan cu el a dirigi a cuminsa toca.

Señor Stenzen kende e ora kier a subi podium pa dirigi palabra mester a warda un momento como tabatin algun oradornan mas. Na number di "Stichting Culturele Vorming in Schoolverband" a papia señor W. Poeze, kende a gradici pa e apoyo cu e organisacion aki a hanja for di señor Stenzen, den organisacion di e programanan pa e "stichting" menciona. Na number di e organisacion señor Poeze a entrega un envelope cu contenido. Señor D. Tromp, presidente di e grupo di comedia "Mascaruba", tambe a dirigi algun palabra pa e especial gradici señor Stenzen pa e cooperacion cortico pero sumamente estrecho cual Mascaruba ultimamente a hanja for di Vivons en Chantant cu presentacionan di "Maria di Serinoka". Y tambe señor Tromp a gradici señor Stenzen pa e lesnan di canto-miento cu un anja largo el a hanja for di djé.

Despues cu señor v.d. Hilst

FATUM - Tel: 1845
pa tur bo aseguronan

Na number di e publico di Aruba a dirigi palabra y a entrega señor Stenzen un seleccion di tapenan cu e musica di concierto-nan y canticanan di koronan cu el a dirigi pa e por goza di nan mescos cu e publico a goza di nan, señor Stenzen mes a tuma palabra y a repasa en corto e anjanan cu el a pasa na Aruba y e trabao cu e tabatin cu e diferente organisacionan cu cual e tabatin contact. El a gradici tur pa nan yudanza y apoyo den of otro sintido na né y a suplica e organisacionan pa sigui lucha y haci esfuerzo pa bai a dilanti. Despues di pauza e diferente gruponan musical cual den e ultimo anjanan Sr. Ad Stenzen a dirigi a presenta diferente sketch di canticanan. Awe Sr. Ad Stenzen ta regresa serca su familia na Hulanda, despues di seisanja largo a sirbi Aruba culturalmente.

Na e ocasion di despedida di señor Ad Stenzen, maestro di violon dirigente di coro y orkesta, cual a tuma lugar na Commandeurs Baai Club ariba dos dia di Pasco y tabata organisa pa e -coro Vivons en Chantant, señor Beaujon (robes) a entrega un tape-recorder na señor Ad Stenzen - (drechi) na number di e diferente organisacionan cual den e ultimo añan señor Stenzen a dirigi of organisa. Aki nos ta mira señor Stenzen hunto cu Laureano


**PARKER 45
ARROW
VULPEN**

Parker 45 Arrow Vulpen f 6,-
Parker 45 Arrow Potlood f 2,50
Parker 45 Arrow Ballpoint f 2,50

Tuma inkt foi e potchi di inkt usando e boton di primi pa jen'e



of skirbi cu un inkt-patroon te 10.000 palabra.



**PALAIS ROYAL ARUBA N.V.
TUR LIBRERIA**

Geerman (den centro) na Oranjestad. Ayera - Vivons en Chantant y cu señor J. Beaujon, presidente di C.C.A., escuchando na un di e ultimo concierto-nan cual a worde dirigi door di señor Stenzen y cu a worde graba na tape door di señor G. v.d. Hilst y aki ta worde toca pa señor Stenzen ariba e tape-recorder, cu el a caba di ricibi como regalo di despedida.

HUMA UN CIGARIA
VERDADERO
HUMA UN
CAMEL



FAVORITO DI ARUBA



TRAFICO DURANTE PASCU:

COMO 30 CHOKE Y 15.000 FLORIN DANJO MATERIAL.

Oranjestad, 28 December

For di dia 24 di december, ultimo, esta bispo di Pasco te cu segunda dia di Pasco e trafico na Aruba tabata masha insegur.

Mientras cu polis en general no tabatin asina dolor di cabez, como cu e dianan di Pasco a worde fiesta na un manera calmo den majoria di e distritonan, fuera di algun bringamento chiquito e cuerpo policial di trafico tabatin dolor di cabez cu tur e chokenan di auto y violadonan di ley nan di trafico. En total tabatin for di dia 24 te cu dia 26 ultimo mas o menos 30 choke cu a worde registra cualnan hunto a causa un total di casi 15.000 florin.

Un di e chokenan di mas fuerte cu a tuma lugar dia 24 di december tabata esun na Caba Lodo pa 5' or di atardi caminda e auto A 4303 maneha pa V.W. y pick-up A 6958 maneha pa R.T. a dal ariba otro. Un pasahero di A 4303 a worde herida gravemente y mester a worde transporta pa hospital. Tres pasahero den e pick-up tambe a worde herida levemente. E to-

tal di daño material tabata 1.200 florin.

Un otro accidente di trafico cu tabata basta serio y cu a tuma lugar dia 24 ta esun di e auto A 7743 maneha pa F.K. cu na altura di warda di polis na Savaneta a dal e piscado F.S. pa mas o menos 10 pa 12 di anochi. F.S. mester a worde transporta pa hospital cu heridanen basta serio.

Dia 25, esta ariba dia di Pasco di Nacimiento, pa banda di un cuarto pasa di nuebe di mainta e auto A 4664 maneha pa A.M. a bolter na altura di Pos Chikito. E pasahero J.R. a worde herida levemente y despues di promer yudanza medico e por a bai cas.

E danjo material tabata total 1050 florin. E choke cual tabata e danjo material di mas grandi ariba dia 25 a tuma lugar Pasco atardi pa banda di 4' or na San Nicolas banda di e station di gasolin. Aki e auto A 5712 y e auto A 2376 maneha pa resp. A. D.S. y P.M. a dal ariba otro despues di cual e auto promer menciona a bai dal ariba e auto cu tabata para, esta A 2978. E danjo cu a worde causa aki nan ta 2000 florin.

E choke cu a kibra e record na danjo material den e dianan cu a pasa ta esun cu a tuma lugar dia 26 ultimo pa un cuarto pa dos di merdia na Tanki Leendert. Aki e carioka A 8664 maneha pa A.D. y e auto A 1443 maneha pa E. de K. a dal ariba otro na e cruzada despues di cual e auto a bolter. E chauffeur di e auto hunto cu dos pasahero mester a worde transporta cu ambulance pa hospital. E danjo material tabata mas o menos Fl. 3000.



Prinses Sophie di Grecia y esposa di Prins Juan Carlos di Spanja a duna luz na Madrid na un jiu muher. Nan ta spera cu e jiu lo

haña e nomber di su abuela Reina Federika di Grecia. Riba e potret aki e pareha feliz hunto cu nan prome jiu.

PALAIS ORIENTAL

(dilanti Banco Hulandes na Ostad)

JOYAS PA CABA-LLEROS



Bunita regalo pa bo y bo ser- nan queri.....

Mancornia, feneta di dashi, lighter, manicure-set pa homber, cigarette-case etc.

Tambe pa damas natin un gran surtido di

JOYAS DI FANTASIA

y otro articulo pa regalos manera tas pa sali anochi etc. Ilaci nos un bishita y conven- ce'bo!

TA BENDE

(Pa motibo di viche)

Set di kamber
Set di comedor (mesa cu 6 stoel)
escritorio
cama pa mucha
Commode pa bab: (Cashi y lugar pa cambia baby su panja ariba)
Un cashi grandi pa warda ser- vies aden.
Mesa pa cushina
Set di stoel pa veranda (rotan)
Servies
Stoel pa mucha y varios arti- culos mas.

Pa inf: Acudi na SAVANETA 347B (Banda di Marinierska- zerne)

DI 7.45 pa 8.15
La Garra Escondida
pa cortesía di
KAN N.V.



TERRITORIO INSULAR DI ARUBA

Gezaghebber di Aruba y Señora Henriquez gusto- samente lo tene un recepcion na ocasion di aña nobo dia 1 di januari 1964 entre 11'or di mainta y 1'or di atardi na nan residencia.

Traje liber.

De Gouverneur van de Nederlandse Antil- len en Mevrouw Debrot zullen ter gelegen- heid van de jaarwisseling gaarne ontvangen op zaterdag 4 januari 1964 van 8.30 uur tot 10.30 uur des avonds in de Papiament- room van het Aruba Caribbean Hotel.

Avondkleding.

KING SIZE COCA-COLA



FIRMA AMERICANO

NA BALASHI

Ta ofrece dos Dodge 1962 prac- ticamente nobo usa solamente un anja, y un Ford statlon wagon 1960, Contact Maduro tel. 2933 of personalmente na planta di awa Balashi.



E Cas Di Bo Sonje na prijsnan practico



cu materialnan di co- struccion di calida na prijs atractiva, es- ta solamente na

PETRONA & CRO

TE HUUR

Un cas den Victor H gostraat pa entrega 1 januari, prijs f. 225. Interesado por yama telefon 1057 of acudi pe- sonalmente na Aru Hardware C.V., na ranjestad.

RON DORADO... SUPERIOR

PRODUCTO DE: ARUBA DISTILLING CO.

Wilhelminastraat 47 - Tel. 12

Compania petrolera na Argentina ta firma acuerdo nobo

BUENOS AIRES, 28 Dec. E compania petrolera Argentina "Asstra" a firma un acuerdo provisional qu gobierno, qu ta haci posibel pa e compania sigui qu su trabaonan, aunque qu luna pasa e concesionnan petrolera pa decreto a worde declaranulo y di ningun balor. Observadornan ta quere qu e acuerdo lo por ta un ehemplo pa firma acuerdonan igual cu otro companianan petrolera qu a worde azota pa e medidanan. E decretonan di gobierno a anu-

la tur concesionnan qu a worde duna for di año 1958 na companianan petrolera particular. Segun e acuerdo qu e compania a firma awe, e compania lo sigui qu su trabaonan te dia 18 februari, riba cual fecha e compania lo bolbe delibera qu gobierno Argentino e situacion.

Merca ta protesta serca Rusia

BERLIN, 28 Dec. E embajada Mericana na Bonn a protesta awe na e embahador Ruso na Berlin Oriental contra asesinato di Paul Schultz, di 18 año, riba di dos dia di Pasco. Guardianan di Alemania Oriental a tira riba Schultz ora qu e tabata riba e frontera di e sector Mericano di Berlin. Segun e protesta di Merca e tirunan a trece bida di otro personan na Berlin Occidental tambe na peliger. Den e nota Mericano na e embahada Ruso e Mericanonan ta pidi e embahador pa percura pa e clasenan di malhecho ey no sosode mas en lo futuro. Paul Schultz quier a hui pa Alemania Oriental.

Export di trigo Mericano pa Union Sovietica

WASHINGTON, 28 Dec. Un funcionario di e compania "Continental Grain Company" na New York a confirma awe cu su compania a hña dos permit pa export di trigo Mericano na balor di 40.6 milion dollar pa Union Sovietica, asina Dow Jones ta participa no tin seguridad qu nos lo negosha qu Union Sovietica, en bista di e stipulacion Mericano qu cincuenta porciento di trigo Mericano mester worde transporta qu bapornan Mericano, asina e portavoz a bisa. E seguridad minister Mericano di comercio, Franklin D. Roosevelt Jr. a bisa qu e peticionnan pa permit di e compania a worde ricibi un dia prome qu Pasco y qu e ta considera e peticion pa e permitnan como e prome prueba fuerte qu Union Sovietica ta na punto di cumpra trigo Mericano.

Erhard pa Merca

BONN, 28 Dec. Cansiller federal Erhard y minister di exterior Schoeder awe mainta a sali for Bonn pa Merca caminda nan a delibera na Texas qu president Johnson. Na su salida cansiller federal a bisa di ta convensi, que deliberasionnan aki lo conduci pa haci e Alianza Atlantico mas profundo y fortificacion dje defensa pa libertad. E cita pe encuentro aki ne hacienda di president Johnson a wordu haci ora qu Erhard en ocasion di entierro di president Kennedy tabata na Washington.

1 Luna gratis subscripcion

Bo ta lesa Arubaanse Courant

12 luna, pero ta paga

unicamente 11 esta si.....

abonadonan cu entre awe y dia 15 di Januari 1964 paga nan subscripcion pa henter anja 1964 den un solo biaha ta hanja e courant un luna gratis y ta paga 11 x Fl. 3,25 = Fl. 35,75

BO TA SPAAR FL. 3,25

Bo por paga na nos oficina of cerca un di nos cobradornan

(p.f. no serca e muchanan cu ta parti courant)



Acuerdo di aviacion

entre Rusia y Merca?

WASHINGTON, 28 Dec. Un altu funcionario di e oficina federal Mericano pa aviacion, N.E. Haby, a declara awe na un mitin qu prensa na Washington qu e ta spera cu Merca y Union Sovietica den termino di un luna lo firma un acuerdo tocante aviacion civil.

E funcionario, qu e siman aqul a regresa di un bishita na Union Sovietica a bisa cu e problema nan tecnico y operacional relaciona qu un comunicacion aerea entre New York y Moscu lo por wordu soluciona den cinco of seis luna despues di realisacion di e acuerdo.

E negociacionnan pa e acuerdo a worde inaugura na July di año 1961, na Augustus di mesun año pa poco e delegacionnan a yega na un acuerdo pero e negociacionnan a worde suspende a consecuencia di e crisis rond di Cuba te otoño di e año ey.

Proceso contra ex-lider

di ehército secreto

PARIS 28 Dec. E di dos dia di e proceso contra ex-lider di e organizacion di ehército secreto, Antoine Argoud, su defensornan a declara qu e secuestro di Argoud na Muenchen tabata un hecho di pirateria internacional. Nan a pidi pa manda nan cliente Alemania back. E acusado awe henter dia a keda ketu. De vez en cuando e tabata sacudi cabez y hari qu su defensornan.

Ora cu e president di corte pa seguridad di estado a dirigi su mes algun pregunta na Argoud, entre otro tocante e manera qu el a worde secuestra na Februari y e moda qu nan a hibe Paris clandestinamente, el a haci mescos qu no ta un asunto qu ta toque.

Den circulonan di husticia ta worde calcula cu si e peticion di Argoud pa transporté back pa Alemania worde rechaza, Argoud lo ninga di presenta den e banki di acusado, y su defensornan lo bandona corte, di moda qu e proceso lo mester worde continua sin defensor.



It Never Varies

Sabor cu nunca ta Varia



N.V. WINKEL'S HANDEL-MAATSCHAPPIJ

Esaki ta e bapor di turista "Franconia" di Cunard Steamship Company Ltd. cual su oficina major ta na Liverpool Inglaterra y cu ta worde representa na Aruba pa e firma Maduro & Sons Inc.

Diarazon atardi "Franconia" a drenta haaf di Oranjestad cu 532 pasahero na bordo. Ayera henter dia por a constata esaki door di un enorme cantidad di turista cu tabata haci compra den e shopping centre na Oranjestad. Ayera atardi e bapor a bolbe laga Aruba pa continua su gira door di Caribe. Mientras awe ta worde spera na Aruba e bapor "Riviera Prima" di Caribbean Cruise Line.



Premio Wateler pa Hulandesnan

DEN HAAG, 28 DEC. E directiva dje institucion Carnegie a participa di duna e premio Wateler di paz pa e aña aki ne grupo Ulandes di voluntarionan qu a wordu manda door dje programa pa voluntarionan hoben na November pasa pa Kameroen pa duna informacion Agraria. E premio a ser duna como un apremio pa disposicion dje hobennan aki pa wordu manda como e promenan den un programa di experimento, pa coopera na adelanto di relacionan pacifico entre Europa y Africa.

E premio Wateler di pas a wordu instala pa señor J.F.D. Wateler qu en bida tabata director dje banco Oranje Nasaau di di hipoteca na Den Haag, quel a laga despues di su morto pa e institucion Carnegie que condision qu esaki anualmente lo entrega un premio di paz nesnan qu di algun manera a sirbi paz o qu a contribui pa hanja medidanan pa combati guerra. E entrega di premio lo tuma un blaha pa un Ulandes y otro blaha pa un stranhero.

Quietud a bolbe na Cyprus

Nicosia 28 Dec. Mientras trupanan griego, turco y britanico ta patrulla den cayanan di Nicosia y becindario, cayanan y bida na Nicosia awe mainta tabatin un aspecto normal atrobe.

Auto y personanan a sali atrobe riba cayanan mientras tambe pacus y tiendanan a habri. Segun Radio Cyprus tabata tambe ketu den resto dje isla.

Den e barrio turco di Nicosia, dokternan griego, militar y turco ta coopera qu otro pa alivia amargura causa den bringamentu dje ultimo 5 dianan.

Soekarno pa Manilla

Manilla, 28 Dec. Dia shete di Januari proximo president Soekarno lo haci un bishita di trabao di cinco dia na Manilla pa delibera qu president Macapagal tocante Malesia y posible cooperacion economico mas intimo entre Indonesia y Philipina.

Soekarno, segun circulonan bon informa lo sali qu un cantidad di economistanan pa delibera tocante posibilidad pa continua en adelante comercio Indones via Hongkong via un haf liber riba Philipina.

Produccion di petroleo na Venezuela lo aumenta

Caracas, 28 Dec. Minister venezolano qu ta actua pa asunto nan relaciona qu mina, a pronostica, qu produccion di petroleo na Venezuela lo muestra otro anja un aumento mas grandi qu e 1/2 porciento alcanza e anja aki. E no kler a bisa cuanto e aumento pa otro anja ta wordu balota. E anja aki e contribucion di industrianan petrolera ne entrada nacional di Venezuela a baha qu 19 porciento en comparacion qu anja pasa. Esaki ta muestra segun e minister, qu Venezuela ta bira menos dependiente dje industrianan petrolera.

Raket Ruso ta cai den Pacifico

Washington, 28 Dec. Den un territorio di ehercicio na sur di Hawaii antayeranochi a cai un raket lansa pa rusonan, segun a ser anuncia ayera di fuente mericano. Rusia algun siman pasa a anuncia qu nan lo tuma un serie di prueba qu raketnan Mihota den periodo di cuminzamentu di december te 25 de Januari.

E pruebanan aki tin entre otro relacion qu investigacion especial. E territorio caminda e raket ruso a cai, na sur di Hawaii y na oeste di e isla Johnson, ta un dje dos territorionan di ehercicio den Pacifico, qu rusonan ta usa. Nan no sa ki distancia e raket a recorri. Esaki ta depende dje lugar na Rusia caminda el a wordu lansa.

E bishita di Tsjoe en Lai na Argelia

ARGEL, 28 Dec. Prome minister Tsjoe en Lai di China Comunista a bisa periodistanan Argelino qu na su bishitanan na Cairo y Argel el a alcanza algun di su propositonan. El a declara di ta convensi que bishitanan aki lo ta di utilidad pe relacionnan en China y e paisnan Africano. Como contesta riba preguntanan ela bisa na un conferencia di prensa, qu si maska China meste keda ainda 14 aña mas pafu di Nacionnan Uni, esaki lo no stroba su pais di aumenta su forza. Tsjoe en Lai a trase na su conferencia di prensa atrobe e proposicion dilanti pa tene un di dos conferencia di paisnan Africano y Asiatico na Bandoen. El a bisa tambe qu China lo no participa na un eventual segundo conferencia di paisnan uni na belgrado, pero qu su pais no ta enemigo di esaki.

Un intento nocturno di e comision Europeo di E.E.G. pa soluciona un problema politico di e reunion Marathon, a fracasa. E reunion a termina diadomingo mainta pa cinc'or y mei marduga. Aki nos ta mira e minister Franses di agricultura Edgar Pisani, e secretario Aleman di agricultura Rudolf Huettebrauer y e minister Hulandes di agricultura Barend Willem Biesheuvel ta despedi di otro te dialuna mainta.

Caribbean Mercantile Bank N.V.

ta participa cu interest ariba spaarbankboekjes entrante januari 1964, lo wordu aumenta te cu

3%

Ademas interest atractivo ta worde ofreci ariba deposito pa cualkier periodo fijo.

E bishita di Papa na Israel

JERUSALEN, 28 Dec. E venidero bishita di Papa Pablo na Palestina, ta keda trese problemanan serio pa servicio Israelita di seguridad. Loke a tuma luga qu president Kennedy sin duda ta junga akinan un papel importante. Pesey nan no ta laga di pone avisonan den prensa di Egypto, qu posiblemente por tin atentadonan di fuente di Hudionan extremista pa laga culpa cai riba e Arabiannan.

Nan lo pidi companianan di pelicula y television pa no haci uso durante nan trabao di periodismo y transmision durante e bishita di Papa, di helicopternan.

Actualmente ta ser anuncia qu

Sequito Papal lo contene 24 auto. Nan lo serra tur e cayanan dje routa qu nan lo sigui algun ora prome. Nan ta duda si Papa por termina completamente qu programa stipula pa dia cinco di Januari qu ta contene un bishita na Nazareth e luga caminda Cristu a biba.

Television Italiano kler manda un tres cien periodista y techniconan. E aparato necesario lo wordu hiba riba truck abordo dje bapor Italiano di guerra pa Haifa, Pa transporte di pelliculan nan saca pa Roma nan kler haci uso di jet.

Na Jerusalem te ainda nanta conferencia riba e manera qu nan lo ricibi Papa y quende lo ricible.



HE: Why do they call them Bacardi Cocktails?

BARTENDER: Because they must be made with Bacardi Rum.*

SHE: I'll bet you knew that all the time.

HE: Doesn't everybody?

(WE: Bacardi makes drinks with other names, too. From Alexanders to Zombies. Bacardi makes them taste better. To get through the alphabet, better buy both bottles — Light and Dark.)

*Actual court ruling.



BACARDI
LEADER FOR 101 YEARS

N.V. Winkel's Handel Mij.

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.

edita pa:

N.V. Arubaanse Druk-
 kerij - en Uitgevers -
 en Publiciteits Mij.

imprimi na:

N.V. Drukkerij
 „de Stad,,

Telefoon 1116 Directiva
 y redaccion, 2116 Anun-
 cio y subscripcion.

Directeur hoofdredacteur:
 D. Wolff.

CINE

Zaterdag 28 Dec:
 De Veer: 8.30 p.m. "Hatari" all
 Rialto: 8.00 p.m. "Hero's Is-
 land" all
 Principal: 8.00 p.m. "Too Hot
 To Handle" 18 j
 Aurora: 8.00 p.m. "White Christ-
 mas" all
 Savaneta: 8.00 p.m. "I thank a
 Fool" 18 j

Zondag 29 Dec.
 De Veer: 6.00 p.m. "Muziek is
 Troef" all 8.30 p.m. "Hatari" all
 Rialto: 5.30 p.m. "Dondi" all
 8.00 p.m. "Hero's Island" all
 Principal: 6.00 p.m. "Popeye
 Cartoons" all 8.00 p.m. "Es-
 ther and the King" 14 j
 Aurora: 6.00 p.m. "Un Rayo
 de Luz" all 8.00 p.m. "White
 Christmas" all
 Savaneta: 6.30 p.m. "Der Stern
 Von Santa Claus" all
 8.00 p.m. "Solomon and Sheba"
 18 j

BOTICANAN DI WARDA

Nachtdiensten: Oranjestad Boti-
 ca del Pueblo Tel: 1253-2154
 San Nicolas Botica San Lucas
 Tel: 5119

DOKTERNAN DI WARDA

Doktersdiensten: Oranjestad-
 Noord 28.29 Dec Dr. J.R. Leo
 San Nicolas-Sta Cruz-Sav 28/
 29 Dr. J.G. Janssen

SIRBISHINAN DI MISA

Protestantse Kerkdiensten: O-
 ranjestad 29 Dec 9 uur v.m.
 Ds Jakobs
 Piedra Plat 29 Dec 9 uur v.m.
 D. Rebel. San Nicolas 29 Dec
 5.30 n.m. Ds Metting v. Rijn.

TELE-ARUBA

05.30 Flash Gordon
 06.00 This is Britain
 06.30 Capt Grief
 06.45 Papiamento Newscast Li-
 ve & Filmnews
 07.00 Top Cat
 07.30 Sports Patrol
 07.30 Sports News
 07.45 Highway Patrol
 08.15 Bold Venture
 08.45 English Newscast Live &
 Filmnews
 09.00 Flight of the week
 10.00 Sign off.

Diadomingo 22 Dec.

06.00 Sword of Freedom
 06.30 Living World
 06.45 Papiamento Newscast Li-
 ve & Filmnews
 07.00 Bat Masterson
 07.30 Big Playback
 07.45 Concentration
 08.15 Live „Nos Tera“
 08.45 English Newscast Live &
 Filmnews
 09.00 Empire
 10.00 Sign off.

Personanan di bon gusto ta pre-
 fera entre e mehornan

E MEHOR!



REY DE COPAS
 ARUBA DISTILLING
 COMPANY
 Wilhelminastr. 47 - Tel. 1266

RADIO CARACAS

TELEVISION

8.45 Senderos de luz
 9.00 Tio Vacaciones
 9.30 Relaciones Públicas
 9.45 Proyecciones
 10.15 Diálogo y cultura
 10.45 Imagen de Francia
 11.01 Federación Ven. de Ga-
 raderos
 11.30 Suplemento Hípico
 12.00 El Show de Saume
 13.15 Weekend con las estrellas
 13.45 C.T.V.
 4.15 Museo
 14.30 Media hora con Chelique
 5.00 Bowling
 16.00 Farándula Musical
 16.30 Peña Tanquera
 16.44 Programa Musical
 18.00 Ganele al reloj
 18.30 Tic Tac
 19.00 Mr. Ed y Datos hípico
 19.30 Que monada de familia
 20.00 El pbservador
 20.15 La era siniestra
 0.45 Alfred Hitchcock
 21.15 Vida y destino
 21.30 Boris Karloff
 22.30 Charla

Diadomingo 22 Dec.

9.00 Buck Rogers
 9.30 Aventura del Cacique Jao
 10.30 El Circo
 11.30 Película
 13.00 Torneo hípico y Perry
 Mason
 18.00 Laramie
 19.00 El Imperio
 20.00 El observador
 20.15 La hora estelar
 21.15 Show de Aldemaro Rome-
 ro
 22.15 Boxeo
 22.45 Miradas al mundo
 23.00 Teleteatro

WIT-GELE KRUIS

Oranjestad: Zr. Ewald

San Nicolas: Zr. Perpetua
 Santa Cruz: Zr. Ludovic

E familia real di Ingla-
 terra a pasa e dianan
 na Sandringham. Riba e
 potret aki Reina Eliza-
 beth ta waak su sobrino,
 viscount Linley (yiu di
 princesa Margareth), -
 mientras cu Prins Phi-
 lip ta tene Prins An-
 drew na su man. Prin-
 ses Ann ta percura pa
 e cachonan.



Un bista di e bapor-
 "Lankonia" (20.238 ton)
 e barcu di pasahero cu
 antes tabata "Johan
 van Oldenbarnevelt", cu
 a pega candela na 180
 milla pa noord di Ma-
 deira. Tabatin 660 pa-
 sahero mas 350 tri-
 pulante a bordo di Lan-
 konia.

Den e castillo Krauc-
 henweis sercadi Sigma-
 ringen e jiu muher di
 prinses Birgitta di Sue-
 cia y Prins Johann -
 Georg van Hohenzollern
 -Sigmaringen a worde
 bautiza. El a hanja e

number Desiree.

Riba e potret d.r.p.d.
 Prins Friedrich, Prin-
 ses Birgitta cu Diseree
 Prins Johan ruman di
 prins Friedrich y Prin-
 ses Margitta van Hohen-
 zollern-Sigmaringen.





Kenya a hanja su independencia. Prins Philip di Inglaterra a asisti na e acto di entrego.

Riba e portret aki e minister di exterior di Kenya, Joseph Moeroembi ta worde introduci door di premier Jomo

Kenyatta (centro) na Pa-Kenyatta (centro) na Prins Philp. Na drechi e ex-gobernador Ingles Malcolm MacDonald.



E helikopter cu ehercito Hulandes actualment ta usando lo worde cambia pa e typo nobo, "Alouette 3" (portret) cu ta worde construi pa e fabrica Franses Sud Aviation. E helikopternan nobo ta destina pa e grupo di avionnan liher di ehercito.

Saliendo di Bonaire, avioneta di Aeroclub a resulta na Coro

Un avioneta di Aeroclub Curacao cu cuater persona a bordo y piloté pa señor E., ayera mainta a bai Bonaire y a inicia viahe di regreso pa Corsow ayera tardi mitar di cincú.

Sinembargo te ayera nochí e avioneta no a aterrizá na aeropuerto di Hato y mas laat den anochí, noticia a ser ricibi qu e avioneta a aterrizá riba un strip na Coro, estado Falcon, Venezuela.

Aparentemente e piloto E. a pasa Corsow na banda Sur y a bai resulta na Coro.

Un funcionario di Luchtvaart-

dienst cu quende nos a drenta den contacto cune awe mainta a declara cu un investigacion a ser iniciá pa averigua e causa pa cual e piloto di e avioneta a pasa Corsow bai y a declara di no tin mas detaye tocante e asunto aki.

Di fuente fidedigno nos a ser informá qu probablemente ta existi e posibilidad qu un otro avion mester bai guia e avioneta di Aeroclub qu a aterrizá na Coro, pa sali for di e lugar caminda el a baha y gulele sea pa Corsow of pa aeropuerto di Maracaibo.



Esaki ta e testigo Karen Lynn Bennett, quende mester a testiguá den e caso contra Jack Ruby na Dallas y quende tabatin un pistol den su posesion. Awor e ta ser acusa di ta porta arma ilícito.



E homber aki, Richard Honeck (robez) na e momento aki pa promebiaha ta mira siglo binti den libertad. El a worde condena na 1899 pa cadena perpetua y a hafia

su libertad un di e dianan aki.

Honeck ta worde compaña aki pa dos autoridad di e prison di Chaster, Illinois (Merca) caminda el a pasa su condena.

Posterijen di Hungria a saca un serie nobo di stampilla pa Anja Nobo cual por mira aki ariba. Riba e stampillanan aki tin undeseo di Anja Nottin un deseo di Anja Nono na cincú idioma.

• HAPPY NEW YEAR

3¢



MAGYAR POSTA

• С НОВЫМ ГОДОМ

• HAPPY NEW YEAR

6¢



MAGYAR POSTA

• С НОВЫМ ГОДОМ

• HAPPY NEW YEAR

2¢




MAGYAR POSTA

• С НОВЫМ ГОДОМ

• HAPPY NEW YEAR

2.50 + 1.20 Ft



MAGYAR POSTA


• С НОВЫМ ГОДОМ

DICK TRACY

pa cortesia di:

Antillian Hardware Co.

E mihor adres pa VERF, KWASHI, TUR HERMENT, ARTICULOS SANITARIO.

**RIP KIRBY**

pa cortesia di:

JAN BODEGOM & CO. (ARUBA) N.V.

Agente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE.

**CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba

**BUCHI ROBEZ**

pa cortesia di:

REFRESQUERIA INGRID

Tel. 2123

E mihor adres pa snacks, tur clase di dushi, softdrinks, ice-cream y revistas.

**Situacion economico na Merca**

Paris, 27 Dec. Gastu particular na Merca probablemente lo sigui un direccion, qu ta core paralelo qu esun di gastunan pa otro finesnan.

E cantidad di expansion lo keda moderado y perspectivanan pa otro anja ta keda insegur, esta si economia no hanja un estimulacion nobo. Segun a ser anuncia pa e organizacion pa cooperacion y desarrollo economico den un rapport publica tocante situacion economico na Merca.

Ta parse qu un analyse dje desarrollo economico ta muestra, qu sin duda e politiek di presupuesto no tabata suficiente y no politiek monetario.

Politiek pa presupuesto por a duna expansion suficiente estimulacion y e papel, qu ta toka parti

ne politiek monetario, tabata dificil. Ta di interes, qu politiek di presupuesto mester wordu cambia mas lihe posibel. Aceptacion di ley di belasting, qu actualmente congreso ta trata, por causa, si almismo tiempo nan no pasa pa un limitacion drastico di gastunan, un aumento di necesidad interino pa credito y duna politiek monetario mas espacio, segun e rapport dje organizacion pa cooperacion y desarrollo economico.

Rusia y Nacionnan Uni

MOSCU, 23 Dec. Gobierno Ruso atrobe a insisti pa llega pa e deliberacion pa expansion di consejo di seguridad y consejo economico y social di Nacionnan Uni. Den un declaracion dje ministerio Ruso di exterior ta ser bisa que deliberacion aki entre

otro meste trata tocante e manera riba cua nan por haña mas lihe posibel un solucion pe kestion-fundamental di admision di China den organizacion di Nacionnan Uni. Un representante di China Comunista ta directamente relaciona ne intencionan pa llega na un solucion di tur problema nan qu tin alinda, expansion di consejo di seguridad di Nacionnan Uni y di consejo economico y social.

Bapor Spanjo a perde

NEW YORK 28 Dec. Marina - Spanjo a busca contacto qu guardacosta Mericano en coneccion qu perdida di un bapor "Castillo Montjuich", qu dia binti di e luna aqui mester a yega La Coruna for di Boston. Guardacosta no a haña sinjainan di emergencia di e bapor en kes-

tion, pero lo investiga si tin baporhan cu a tende algu di e bapor perdi. For di dia diescuater di e luna aqui nan no a tende nada mas di e bapor, qu a sali Boston dia cinco. No ta conocel cuanto tripulacion tin a bordo. E bapor tabatin un cargamento di trigo.

Israel ta arresta spion di Egypto

TEL AVIV, 23 Dec. Servicio secreto Israelita a detene algun dia pasa un Armenio, Konorek Jacobian, qu ta den servicio di spionaje di Egypto. Segun autoridadnan Israelita Jacobian a hafia durante ananan largu cursopa comete spionaje na Israel. Servicio di spionaje di Egypto a du-

HOROSCOPO PERSONAL**HOROSCOPO**

Pa dialuna 30 di december 1963:
ARIES 21 maart - 20 april
Luna yen ta stimula reunio nan di famia. Evita tension door d no papia riba asuntonan bieu menos agradabel.

TAURUS 21 april - 21 mei
Luna yen ta causa hopi actividad y ta stimula viahenan. Evita di ferencianan di opinion y bo mester ta dispuesto pa cambia b piannan.

GEMINI 22 mei - 21 juni
Luna yen ta aumentatur emocion domina bo reaccionnan den asuntonan personal y financiero. Cuida bo salud y bo placa.

CANCER 22 juni - 23 juli
Luna yen ta trese bo den centr di atencion awe. Bo lo tin meste di muestra calma y control de bo trato cu otronan. Hasi bo bes awor.

LEO 24 juli - 23 augustus
Luna yen por trese algun sorpresa, un encuentro of un cambio importante. No laga bo emocionnan influencia bo na e ora ey.

VIRGO 24 augustus - 23 september
Luna yen ta stimula bo actividadnan social huntu cu bo amigo y conocirnan. No laga situacionnan tenso desarolla.

LIBRA 24 september - 23 oktober
Luna yen ta existi pa bo trahendenan sentimental cu hopi cu dao. Usa diplomacia si tin dificultad y bo kier mantene harmonia.

Pa BOEKI „SONJO“, na spanjo y ingles cu interpretacion di number di suerte.....
..NICOLAAS STORE,,
Tel...5385 - San Nicolas

SCORPIO 24 oktober - 22 november
Luna yen ta duna bo oportunidad pa realiza bo suerte poco. Main ta bo lo tin mester di poco pa senshi cu asuntonan di bo partner, domina bo mes.

SAGITTARIUS 23 november - 2 december
Hasi uso di luna yen pa reforza e lasonan cu sernan queri. Domina bo sentimentunan negativ awor, cooperacion ta di gran importancia awor.

CAPRICORNIUS 22 december - 20 januari
Luna yen ta existi pa bo dominar bo emocionnan tantu pa bo salud como pa bo humor. Tene pa senshi cu personanan poco trabahoso.

AQUARIUS 21 januari - 19 februari
Luna yen ta hasi bo hopi sensitivo, trata pa domina bo mes mas si bo kier goza di e dianan fiesta.

PISCES 20 februari - 20 maart
Luna yen ta trese bo den centr di atencion. Si bo lo meste muestra calma y self-control de bo trato cu otronan.

nele papelnan falso qu ta mustre que ta un Turco llama Izak Kusuk, y a dunele un certificad di nasimento firma pa un rabbi Na aña 1960, nan a mande Bra-

zil caminda el a uni que comunidad Hudio y despues di algun tempu a bisa di ta desea pa emigra pa Israel. E federacion zionista na Brazil y consulado Israelita a yudele y na 1961 el a llega Israel. Despues di a pasa 6 luna den un kibboets Jacobian a sirbi den e hercito Israelita y a cuminsa duna "Egypto datonan. E ultimo tempu servicio di seguridad Israelita tabatin e den bista